

ত্রিপুরা সরকার
তথ্য ও সংস্কৃতি অধিকার

স-৫০৮(আগরতলা-০৮।০৫)

কৈলাসহর, ০৮ মে, ২০১৮

চন্ডীপুরে কৃষি দপ্তরের একশ দিনের কাজের একশন প্ল্যান

কৈলাসহর মহকুমার চন্ডীপুর ব্লকের জন্যে কৃষি-দপ্তরের তরফে ১০০ দিনের কাজের একশন প্ল্যান তৈরী করা হয়েছে। এতে সয়েল হেলথ-কার্ড স্কীমে ২৫০জন কৃষকের জমির মাটির পরীক্ষার জন্য সংগ্রহ করা হবে। প্রধানমন্ত্রী ফসল বীমা যোজনায় ব্লকের ৫০০ হেক্টর জমি অন্তর্ভুক্ত করা হবে খারিফ মরশুমে। এই সময়ে কৃষকদের ৪টি প্রশিক্ষণ শিবির হবে। প্রতিটি শিবিরে ৩০জন করে কৃষককে প্রশিক্ষণ দেওয়া হবে। কৃষি সম্প্রসারণ সাব-মিশনের আওতায় ৫টি এক্সপোজার ভিজিট হবে এবং ডেমোনস্ট্রেশন হবে ১০টি। নির্ধারিত সময়ের মধ্যে ৬টি পাওয়ার টিলার বিতরণ করা হবে, ব্লকের ৩টি স্থানে পরম্পরাগত কৃষি বিকাশ যোজনায় কৃষকদের নিয়ে জৈব চাষ বিষয়ক আলোচনাচক্র অনুষ্ঠিত হবে। এছাড়া প্রধানমন্ত্রী কৃষি সিঞ্চয় যোজনায় ২জন কৃষককে পাম্পসেট দেওয়া হবে এবং জল সংগ্রহের জন্যে ৫জন কৃষককে জলের পাইপ প্রদান করা হবে। এই কর্মসূচিতে ব্লকের ১৩ হেক্টর এলাকাতে নিমচাষ করা হবে। জীবনযাত্রার মান-উন্নয়নে ৫জন কৃষককে ছাগল ও শুকরের ফার্ম করার জন্যে সহায়তা করা হবে। রেইনফেড এরিয়া ডেভেলপমেন্ট স্কীমে ২জনকে দুধ উৎপাদনে, ২জনকে মৎসচাষে এবং ভার্মি কম্পোষ্ট ইউনিট করার জন্যে ৩জন কৃষককে সহায়তা দেয়া হবে। জাতীয় খাদ্য নিরাপত্তা মিশনে এই কর্মসূচিতে কৃষকদের মধ্যে ৩ মেট্রিক টন কৃষি বীজ বিলি করা হবে। এছাড়া ২৫হেক্টর এলাকায় তুলাবীজ ও ৩৫ হেক্টর এলাকায় পাটের প্রদর্শনী চাষ হবে।
